



UNIVERSITÄTS-
BIBLIOTHEK
PADERBORN

**COLLATIO-||NVM SACRARVM|| LIBRI VIII.|| Tilmanni
Bredenbachij S. Th. D.||**

Bredenbach, Tilmann

Coloniae Agrippinae, 1592

VD16 B 7378

11. Exemplum memorabile per omnia simile superiori.

[urn:nbn:de:hbz:466:1-65002](https://nbn-resolving.org/urn:nbn:de:hbz:466:1-65002)

di posset: S. Theodorus sumpto diuinæ communionis poculo, vt id illi impartiret suspirās ad Deum suspexit, & ilicō vincula humi cum strepitu coniderunt. Quamobrem cū milites tumultuarentur, & ad fores claudēdas currerent, ne Georgius fugeret: Nihil, inquit S. Theodorus, timeatis; Ego enim gratum & sincerum huius viri animum planē noui. Cū igitur illi diuina mysteria tribuisset, voluit etiam, vt simul cum custodibus apud se cibum caperet.

Venerab. Beda in historia Anglicana lib. 4. cap. 22. refert exemplum memorabile per omnia simile superiori, cuius etiam meminit D. VVilhelmus Lindanus lib. 4. Panopl. Euangel. ca. 55.

CAP. XI.

Refert Beda, qui ab eximia cū fide tum probitate venerabilis cognomen inuenit fratrem regis Merciorum Edifridi suorum magna cum strage fusum, inter quos & adolescens nobilis Imma cecidisse ferebatur. Huic frater erat Germanus Iunna presbyter atque Abbas, à cuius præstantia & Iunnacesti oppidum nomen tenet, cui cum de fratris internecone foret nunciatum, ille ad castra properans, cadauer sepeliendū inquirat: quod vbi se inuenisse crederet: (nam fraternus amor iudicij aciem nonnunquam obnubilat) domum aduchit, honorificè sepeliens, atque pro absolute animæ eius sæpius Missas facere

curavit. Porro ille cum viueret, fraternę pietatis atq; supplicationis expers minimę existit. Nam vinculis nullis, (quod vel hostes ad admirabantur, vt literis solatoriis, quas dicunt præstigiatores, ascriberent) aut stringi, aut vinci potuit, idq; maximę sub horam tertiam quando ex prisco illo Apostolorum ritu Missę peragebantur. Quo miraculo hostes, quibus captiuus tenebatur, obstupefacti, cum Londonię cuidam Fresoni vendiderunt, cui cum idem quod illis acciderat, eueniret, ei facultatem se redimēdi fecit. Ad fratrem igitur cum rediisset, exposito quid incommodi, quid incommodi per illud accidisset, deprehensum est, illis maximę temporibus soluta illi fuisse hostium vincula, quibus pro eo fuerant Missarum celebrata solemnia. Quo Christianę Missę vsu testatur Beda, multos qui hoc et illo ipso Imma audierunt, qui ipsi retulere, se de accensos ad offerendas Domino pro suorum creptione, qui de sæculo migrarant, victimas sacrę oblationis. Intellexerunt enim, at eodem cap. 22. lib. 4. quàm sacrificium salute ad redemptionem valeret & animę & corporis sempiternam.

Simeon Metaphrastes in vita S. Ioannis Eleemosynarij Archiepiscopi Alexandrini, habetur apud Sierotom. t. de quodam cuius vincula soluebantur tempore, quo pro illo offerebatur sacrificium Missę.
C.A.